

Jodix 130 mg

Jodtablehta atomsårme diehti

La gus dán nuorap gå 40 jage vuoras, iesselissan, njamádime jali li gus dujna máná gudi sijdan árru? De alodip dujna bierriji liehket jodtablehta sijdan. Tablehta máhtti suoddjit radioaktjva joda vuosstij, ja dajt galggá dåssju válldet oajválattjaj rádij milta.

Manen galggá jodtablehtajt válldet?

Jus sjaddá atomsármme de soajttá radiodoajmme jod gilveduvvá ájmo milta ja dæhppu galbbaráksáj (dárog. skjoldkjertelen) gå vuojnjá nuoskodum ájmov ja/jali bårrå/juhká nuoskodum biebmojt ja juhkusav. Jodtablehta hieredi radiodoajmme jod dæhppomav galbbaráksán ja binnet risikov oadttjot bárredávdav galbbaráksán. Jodtablehta dåsski radiodoajmme joda vuosstij ja ij ietjá radiodoajmme ståffaj vuosstij.

Jus rádeduvvá tablehtajt válldet de dat álu dáhpáduvvá sæmmi båttå gå oadttju diedov goade sinna liehket unnemusát 2 biejve. Danen la ájnas jut dujna li tablehta sijdan.

Goassa galggi tablehta váldeduvvat

Tablehta galggi dåssju váldeduvvat gå oajválattja dav rádedi. Jus sjaddá atomsármme, de ráde vatteduvvi medijaj, guoskavasj oajválattjaj ja www.dsa.no baktu.

Gudi galggi jodtablehtajt válldet?

Sierraláhkáj la ájnas jut máná ja nuora vuollel 18 jage, dán guhti la iesselissan jali njamádime dájt tablehtajt váldá danen gå siján la stuorámus risiko oadttjot bárredávdav galbbaráksán jus la radiodoajmme jod dæhppum. Állu sierralágásj dilijn soajttá aj ållessjattuga gaskan 18 ja 40 jage galggi tablehtajt válldet, madi sij gudi li badjel 40 jage vuoras e vargga goassak bárredávdav oattjo galbbaráksán, ja e dárbaha jodtablehtajt válldet. Jus la ierit opererim galbbaráksáv de i dárbaha jodtablehtajt válldet.

Oajválattja sjaddi diededit jur gudi álmmugis galggi tablehtajt válldet jus sjaddá atomsármme.

Huom! Jodtablehta atomsármij diehti ælla jod biebbmolasádus. Jus dárbaha bæjválasj jod biebbmolasádusáv duola degu danen gå la iesselissan, de gatjáda apotiehkan.



Man ednagav galggá válldet: Jodix (130 mg)?

Gákka badjel 12 jage, dán gut la iesselissan jali njamádime: 1 tablæhtta (= 130 mg)

Tablehtav njiela edna tjátjijn jali ietjá juhkusijn.

Máná 3–12 jage: ½ tablæhtta (= 65 mg)

Juge Jodix-tablehtav guoktaj. Vatte mánnáj avtav ½-oasev. Tablehtav njiellá edna tjátjijn jali ietjá juhkusijn. Dárbo milta máhttá dav duggit jali tjátje sisi segadit. Vatte edna tjátjev manjela.

Máná 1 mánusasj–3 jage: ¼ tablett (= 32,5 mg)

Juge Jodix-tablehtav nælljáj. Akta ¼-oasse duggiduvvá jali smájvviduvvá ja bastijn vatteduvvá gadtsat yoghurtajn, syltaj jali muodugasj biebmoj, jali tjátjijn segaduvvá. Gå tjátjijn segada: Bieja avtav ¼-oasev glássaj, duoddista vehi tjátjes ja fierrola birrusij 2 minuhta. Dibde mánáv dáv juhkat. Vatte edna tjátjev manjela.

Njuorak máná gudi ælla mónov dævddám: 1/8 tablæhtta (= 16,25 mg) segaduvvam juhkusij

1. Juoge Jodix-tablehtav nælljáj.

2. Bieja ¼-oasev glássaj.

3. Bieja 5 ml tjátjes glássaj. Ane tsirgunav mihttitjít (jus dujna ij la tsirgun, bieja 2 bastitja tjátjes). Fierrola 2 minuhta, tablæhtta ij ållu smájvvána, valla ij dat mejdik dagá.

4. Njuorak mánná galggá oadjtrot dåssju lahkev: Njamá 2,5 ml juhkusis tsirgunij (jus dujna ij la tsirgun, dievde bastitjav tjátjes) ja vatte dåssju dáv mánnáj. Bálkesta dav mij báhtsá.

5. Vatte mánnáj edna juhkusav manjela. Vædtsagijt majt dárba: Tsirgunijt apotiehkan oastá, jali ane bastitjav.

Mánnáj vattá sæmmi ednagav vágku dal mánná njamát jali ij. Dábálattjat ij la dárbo mánájn dákta lunna manna guoradallat gå la vaddám jod, valla jus iehpeda máná varresvuoda dilev de galgá dákta lunna mannat. Danen gå la vehi alep riska vuollegris stoaffamálssomij njuorak mánnáj (0-1 móno) gut la jodtablehtav oadtfum. Jus mánná le prematuralattjat riegádum, de dábálattjat ij la oajvvadum mánnáj vaddet jodtablehtajt ávddál mánná le vássám 37. iesselisvuodavahkov.

Ale jodtablehtajt bárå:

- Jus dujna le allergiddja kaliumjodida vuosstij jali dálkkasa nuppe sisadnoábnnasij vuosstij (listav gávna páhkkeljuovvusin)

Sij gudi galggi jodtablehtajt bárråt, valla galggi dákta lunna mannat dan manjáj

- Jus dujna le ábnasmálssomskihpudahka de galga duodastit ábnasmálssomåtsåldusáj 6-12 vahko dan manjáj gå le dálkkasav válldám.
- Jus le iesselissan ja dujna li ábnasmálssomskihpudahka de galga ábnasmálssomav iesselisvuodan tjuovvot, vuostaj bále guokta vahko manjáj.
- Jus dujna le dermatitis herpetiformis (Duhrings sykdom) de lijkkeskihpudahka sájtij luluj værránit gå la jodtablehtav bárråm, ja duv dálkudiddje máhttá hiebadit dálkudimev.

Li gus dujna gatjálvisá jodtablehtaj birra? Gehtja www.dsa.no. Dåppe gávna aj diedojt moatte gjelajda.